



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	BH			
TARIKH	:	8/9/2021 (RABU)	MUKA SURAT	:	22
JABATAN	:	-			

JAS belum terima EIA Hutan Simpan Kekal Sabak Bernam

BH, 8 Sept
2021_22

Laporan perlu disediakan pihak berkeelayakan dengan menepati garis panduan

Oleh Noor Atiqah Sulaiman
bhnews@bh.com.my

Putrajaya: Jabatan Alam Sekitar (JAS) belum menerima Laporan Penilaian Kesan kepada Alam Sekeliling (EIA) berhubung cadangan pembangunan di kawasan Hutan Simpan Kekal (HSK) Sungai Panjang, Sabak Bernam, Selangor.

Menteri Alam Sekitar dan Air, Datuk Seri Tuan Ibrahim Tuan Man, berkata sebarang keputusan untuk kerja pembangunan di HSK sama ada boleh diteruskan atau tidak, berpandukan kepada EIA diterima JAS.

Katanya, laporan berkenaan perlu disediakan pihak berkeelayakan dengan menepati garis panduan disediakan JAS.

"Menerusi laporan ini, ia membolehkan penilaian terhadap impak ke atas kesan alam sekitar serta mencadangkan langkah perlu diambil untuk mencegah, mengurangkan atau mengawal kesan negatif terhadap alam sekitar dapat dilakukan.

"Sehingga kini, tiada laporan EIA dikemukakan kepada JAS berhubung cadangan pembangunan di kawasan berkenaan," katanya.

Beliau berkata demikian pada



Tuan Ibrahim ketika menyampaikan amanat sasaran utama 100 hari Kementerian Alam Sekitar dan Air kepada pengurusan tertinggi kementeriannya di Putrajaya, semalam. (Foto Mohd Fadli Hamzah/BH)

sidang media selepas menyampaikan amanat sasaran utama 100 hari kementeriannya kepada pengurusan tertinggi, semalam. Yang turut hadir, Timbalannya, Datuk Dr Mansor Othman.

Kelmarin, Perbadanan Kemajuan Pertanian Selangor (PKPS) menafikan pihaknya menceroboh dan membuka sebahagian kawasan hutan simpan Sungai Panjang yang dikatakan hutan gantian berikutan penyahwartaan Hutan Simpan Kuala Langat Utara (HSKLU).

Dalam perkembangan lain, Tuan Ibrahim berkata, pihaknya tetap tidak bersetuju dengan cadangan menyahwarta HSKLU oleh kerajaan Selangor.

"Pewartaan keluar HSKLU atau mana-mana hutan simpan yang ada akan menjejaskan sasaran 45 peratus pengurangan karbon intensiti menjelang

2030," katanya.

Terdahulu, Tuan Ibrahim berkata, Kementerian Alam Sekitar dan Air (KASA) menetapkan 10 sasaran untuk dicapai dalam tempoh 100 hari membabitkan fokus khusus kepada sektor alam sekitar serta air dan pementungan.

Katanya, bagi sektor alam sekitar, KASA menetapkan untuk menggubal kerangka Undang-Undang Perubahan Iklim Negara dan struktur asas Pusat Inventori GHG Negara serta membangunkan rangka kerja skim perdagangan karbon domestik.

"Kita akan melancarkan 'Malaysia Plastics Sustainability Roadmap'. Ini perlu, biarpun kita letakkan sasaran pada 2030 tiada lagi penggunaan plastik sekali guna tapi hala tuju ke arah itu mesti kita rangka dan

kita yakin mencapai hasil dalam tempoh ditetapkan.

"Seterusnya KASA melancarkan Green Jobs Portal bagi menjana peluang pekerjaan dalam sektor pertumbuhan ekonomi hijau," katanya.

Tuan Ibrahim berkata, bagi sektor air dan pementungan pula, KASA akan membangunkan mekanisme penetapan tarif air yang adil dan telus bagi memastikan semua operator air dapat memberi perhatian pada perkara berkenaan, sekali gus dapat membekalkan bekalan air yang baik kepada rakyat.

Katanya, pihaknya juga akan meluaskan penggunaan sumber air pulih guna untuk industri, yang mana ia antara usaha dan inisiatif membolehkan air boleh guna yang dirawat digunakan kembali bagi manfaat semua pihak industri.

